

欽定中樞政考

(一)

李海生出版社印行

欽定中樞政考

(二)

李海生  
出版社印行



数据加载失败，请稍后重试！

欽定中樞政考

影印本  
(全六冊)

卷二

412465

年八月廿九日

撰者：明納蘇亮等

發行人：李泰善等

出版者：學海出版社

郵政劃撥帳戶  
台北市安東街二、一四三五七之三號

定價新台幣一、八〇〇元

中華民國五十七年四月初版  
登記證內版臺業字第一三六八號

究必印翻 有所權版

兵部謹

奏爲依限纂例奏請

恩准開館事竊查

臣部中樞政考全書向係每屆十年

增修一次自嘉慶十年開館纂輯以來至今已

闕十載恭查積年欽奉

諭旨及內外臣工條奏事件並

臣部隨時奏改章程奉

旨允准遵行而未經載入例冊者逐漸增多均須編纂  
入例以昭法守相應請

為此特奏以便即時詳查辦理如蒙

欵允臣等卽於司員中遴選熟諳例案之員派充提調

纂修收掌校對以憑編輯再臣部武選車駕職

方武庫四司例案均屬繁多職方一司關係處

分尤爲繁重臣部於嘉慶十八年奉

旨刪減處分案內奏准將中樞政考全書內散見之處

分條例改輯處分則例一書其中分門別類卷

帙繁多在在均關緊要臣等督飭司員等悉心

叅考將次彙萃成編至繕寫黃冊進

呈更須詳細核對現屆應行開館之年請於開館

後彙總辦理所有需用供事檢查檔案繕寫書

冊臣部向係於書吏中擇其字畫端楷者令其

自備資斧充當差使向額四司止六十六名現在另輯處分則例卷帙增多實在不敷繕寫請

於職方司添派十名以資辦理並勒限一年敬

繕黃冊恭呈

御覽後再照上屆刊刻刷印進

呈頒發八旗在京各衙門及各處駐防直省督撫  
提鎮一體遵照其供事等議敘俟書成後仍照

上屆則例告成之例分別等次移咨吏部辦理  
是否有當伏候

皇上訓示遵行謹

奏請

旨嘉慶二十年四月初四日奏本日奉  
旨依議欽此

兵部謹

奏爲修輯則例告竣恭

呈

御覽事嘉慶三十年四月內臣部具奏臣部中樞政考

全書向係每屆十年增修一次自嘉慶十年開

館纂輯以來已閱十載恭查積年欽奉

諭旨及內外臣工條奏并臣部隨時奏改章程未經載

入例冊者逐漸增多均須編纂入例請

旨開館修例於司員內派充提調纂修校對以憑編輯

所有中樞政考內散見之處分條例奏准改輯處分則例一書請於開館後彙總辦理並於書吏中挑補供事令其自備資斧勒限一年敬繕黃冊進

呈其供事等議敘之處俟書成後仍照上屆則例告成之例分別等第移咨吏部辦理等因具奏

奉

旨依議欽此欽遵在案臣等自開館以來督率提調纂修等細心詳覈凡有關銓選陞調議敘議處驛

站馬政兵制訓練等事例內有應行酌改者卽

經臣部條陳奏蒙

允准纂入例冊其厯年欽奉

諭旨及臣工條奏奉

古允准之案並辦過成案及例文內未能畫二者俱各

逐一覈明分別纂入嗣因處分則例一書業已

輯成於上年六月內恭繕

黃冊進

呈

御覽聲明中樞政考全書現亦將次修輯成編惟內有  
行查各省應行入例尙未據各處查覆到齊請  
旨展限六箇月趕緊辦理等因奏准亦在案今已修輯  
成帙謹將增改緣由逐加案語聲敘統計八旗  
中樞政考一部三十二卷緣營中樞政考一部  
四十卷恭繕

黃冊裝潢十八函敬

呈

御覽俟

命下之日臣部仍照上屆之例毋庸移交

武英殿動支帑項所需刊刻板片等項卽令在館供事等自備資斧辦理至繙寫清書臣等仍飭

提調纂修督率供事細心經理勒限一年完竣

其二十二年二月以後續有應入則例事件卽

於辦理清書時補行纂入統俟清書完竣另繙

黃冊一併進

至所有此次漢字則例修輯完竣除臣等及提調纂修等官不敢仰邀議敘外其在館供事七十

六名檢查檔案繕寫書冊尙屬奮勉合無仰懇  
聖恩卽照吏部則例告成之例給予議敍以示鼓勵如  
蒙

俞允臣部照例分別等第造冊咨送吏部查辦爲此謹

奏請

旨嘉慶二十二年二月十六日奏本日奉

旨照例議敍欽此

兵部謹

奏爲中樞政考則例繙譯清書完竣刊刻漢字板

片告成繙寫清字

黃冊刷印漢字樣本合併恭

呈

御覽事前經臣部奏准修改則例請將中樞政考內散見之處分條例分門別類另輯處分則例一書所有處分則例漢字

黃冊及繙譯清書刊刻漢字樣本並中樞政考漢

字

黃冊均經陸續進

呈已蒙

御覽至處分則例清書板片除臣部現在繕寫副本赶

緊刊刻另行刷印進

呈外所有中樞政考繙譯清書并刊刻漢字樣本  
及處分則例清書板片應需供事仍照

奏准定額酌派令其自備資斧交提調等官督率  
趕辦其辦理處分則例清書及漢字板片該供

事等議敘之處前經奏明均俟中樞政考清書漢字板片完竣後分別等第移咨吏部辦理均經奉

旨允准在案臣等自發交以來卽令提調等官督率該供事等辦理繕寫清書七十二卷刷印漢字樣本七十二卷現已彙成中樞政考清漢全冊共計一百四十四卷刷繕

黃冊裝潢三十六函敬

呈